



## Universitätsbibliothek Paderborn

**Elogia Societatis Iesv Sive Propvgnacvlvm: Pontificum,  
Conciliorum, Cardinalium, Antistitum, nec non  
Imperatorum, Regum, Principum & aliorum Virtute,  
Religione, omniq[ue] Literatura illustrium (etiam ...**

**Gomez, Cristobal**

**Antverpiæ, 1681**

Paulus IV. n. 4

**urn:nbn:de:hbz:466:1-38486**

Hunc, &  
Societatem  
mire ex-  
tollit.

Quam opus  
eximium  
appellat.

Pauli amor  
in Ignatiu-

Et reue-  
renzia.

menti habet Ignatij auctoritas, quam omnes idque ipsa ratio manifestè docet. Probabile enim est Ignatium, qui Societatem vestram tam opportuno tempore, & Dei Ecclesiæ necessario diuinitus instituit, felicissime propagauit, prudentissime hactenus gubernauit, eius qui illum vnum ad tam eximium opus elegit, voluntatem Dei potius habere compertam, quam nos qui sàpè hallucinamur, & media in luce non videmus. Quis enim qui Ignatium ad fundandam Religionem vestram, amplificandam, atque administrandam, tanta à Domino gratia atque spiritu dotatum videat, non etiam intelligat illum ipsum cœlesti lumine collustratum, certissima ratione accepisse, in qua nimur Deus velit, vt se ad eius obsequium Societas vestra exerceat, & perpetuo conseruet? Quapropter vestris quidem potissimum in rebus, vnuis Ignatius omnium mihi rationum instar est. Hæc Marcellus ante Pontificatum apud P. Ribadeneira in vita S. Ign. lib. 3. cap. 15. fol. mihi 145. Et post Pontificatum, idem iudicium, eandem opinionem, & existimationem (et forte maiorem) de Ignatio Parente, & Societate habuit: quam mille fauoribus, gratijs, & priuilegijs cumularet, se viueret. Sed que rerum humanarum est inconstantia, paucos intra dies in febrim incidit, & altero ac vigesimo Pontificatus sui die, communi omnium luclu, sed præcipue Societatis mœrore, decepit.

4. A PAULO IV. antea Petro Carrasa Cardinali Theatino, unoque è primis qui Sacrum Clericorum Regularium fundarunt Ordinem: ex quo etiam Theatinos vulgus appellat. Qui tam amanter, quam honorificè excipiebat Ignatium: neque enim passus est unquam ab Ignatio se de genibus, ac ne aperto quidem capite compellari, sed secum per cubiculum perambulantem, multis inspectantibus, & admirantibus audit. Eo mortuo ad Patres Congregationis primæ Generalis de Lainij creatione renunciantes hæc verba pientissimus Pontifex dedit, in quibus egregie laudat Comitiorum exitum, commendat Societatem, adhortatur ad laborum constiitiam, confirmat creationem Præpositi, & ipsam Societatem. Læti, inquit, summo &

& immortali Deo gratias agimus, quod vobis singulare hoc  
beneficium his diebus est elargitus, ut, quemadmodum ex  
fida relatione comperimus, Præpositi Generalis creatio pia  
vobis, canonica & sancta contigerit. Non enim obscurè in-  
telligimus electionem adeò consentientem, atque concor-  
dem amore Spiritus Sancti esse peractam: eaque res nobis  
confirmat Vos in Unitate Spiritus ambulare, vnum, & idem  
sapere VESTRAMQUE BEATAM SOCIETATEM SUPRA PE-  
TRAM IN IPSO ANGVLARI LAPIDE, QUI EST CHRISTVS,  
FVNDATAM ESSE. Et magni profecto referebat hunc actum  
primum ita feliciter cedere, & talibus conditionibus fieri;  
qui, vti est primus, ita aliorum quasi norma futurus sit.

Quare magnam spem in Domino concipimus, nobisque  
pollicemur fore, vt diuina bonitas quæ in vobis tam præ-  
clarè cœpit, eadem prosequatur, & vos conseruet, & augeat  
sua benedictione, idque in gloriam æternæ Maiestatis tuæ,  
& utilitatem Ecclesiæ lancet. Hic conuersus ad Lainium, In te,  
inquit, dilectissime fili, hæc sors cecidit. Præpositus & Caput  
es huius BENEDICTÆ SOCIETATIS, quæ quanquam ab  
exiguis & infirmis est orta principijs (vt nos memores su-  
mus, qui vobis ab initio fauorem, & amorem nostrum de-  
clarauimus, neque hactenus intermittimus, neque inter-  
mittere volumus) non parum multa pertulit, atque interea,  
tot incrementa accepit, atq; tam vberes Fructus Dei Ecclesiæ  
in Vniuerso Orbe terrarū attulit. Multorum enim testimonio  
cognoscimus, quanta per Vos commoda Deus Mundo pariat,  
& quām felices conatus Vestri, Deo cooperante passim proue-  
niant. Verum ipsi cogitate, filij charissimi, VOS NON AD  
QUIETEM, ET DELICIAS, SED AD LABOREM, ET CRU-  
CEM VOCATOS ESSE. Proponite vobis Dominum & Salua-  
torem nostrum Christum IESVM, cuius exempla & verba  
animaduertite. Non est, inquit, seruus maior Domino suo,  
neque discipulus supra Magistrum, & cum qui mittit illum.  
Veniat vobis in mentem Præcursor Domini, quem diuina

Eius verba  
ad Patres  
Congrega-  
tionis.

Laudat  
Comitio-  
rum exi-  
tum & So-  
cietatem:

Quam su-  
pra Christi  
Petram  
fundatam  
ait.

Et vberes  
in Vniuerso  
Orbe fructu-  
bus Eccle-  
sie affere.

Adhorta-  
tur ad la-  
borum con-  
stantiam,

Christi Do-  
mini Pre-  
cursoris, &  
Principis  
Apostoli  
exemplio.

voce sanctissimum esse accepimus , considerate beatissimum Apostolum Gentium , & Apostolorum Principem Petrum , qui sicut in diligendo Christo fuit cæteris ardentior , sic etiam in eodem imitando factus est similior . Quare iam moriturus humiliauit se non solum usque ad mortem Crucis , sed etiam usque eò , ut ne dignum quidem se arbitraretur Crucis perferre supplicium ad eum modum , quo Dominus & Magister subiisset . Inuerso enim capite , siue ut Græci dicunt ἐπι κεφαλὴν voluit crucifigi . Quod supplicij genus multi Romæ sunt post eum secuti & imitati . Perpendite denique Sanctorum exempla omnium cum veteris , tum noui testamenti , qui per summos labores , & pericula maxima cælestem hereditatem adierunt . Ne putetis vos melioris esse conditionis , quam legis utriusque Sanctoros Dei legatos , de quibus Sanctus Stephanus ait , Quem Prophetarum non sunt persecuti Patres vestri ? & Dominus : Mensuram implete Patrum Vestrorum . Quod utique tum fecerunt , cum Christum Dominum occiderunt . Similiter vobis contingit . Multi enim non recipient vos , nec doctrinam vestram , sed persequuntur vos , & interficiunt , obsequium se praestare Deo arbitrantes . Perturbatissimum enim sæculum hoc est , quo Dominus vocavit  
Br ad  
Mundi  
ordia pro  
Dei Eccle-  
sia subeun-  
da.  
 ISTAM BEATAM SOCIETATEM . Ecclesiam Dei diris modis vexari , & ubique ferè oppugnari videmus . Oppugnant Christi sponsam non tantum à fide alieni , Barbari , & qui nouis in Insulis Christianum nomen hostiliter infectantur ; sed etiam illi , qui communis nobiscum Christianorum nomine gloriantur , qui eodem baptismatis fonte renati sunt , & eorumdem Sacramentorum communicatione nobiscum utuntur ; quos tamen omnium maximè sanguinem nostrum fitire certum est . Proinde vos aduigilare oportet , minime que segnes esse . Abijcete timorem quemuis , & hominum respectum , libero atque imperterrita animo nomen Domini confitentes , perque uniuersum mundum portantes ,

yc

vt aduersus formidanda constantes, ita contra blandientia incorrupti. Nulla vos gratia, nulli fauores impedian, quo minus vos veros & perfectos Dei seruos exhibeatis. Totos vos pro Ecclesia Sancta impendite, vt sitis demum sacrificium Deo in odorem suavitatis in finem usque perseuerantes, vt iucundam illam & cælestem vocem audire mereamini, Venite benedicti Patris mei. Cæterum, quod ad creationem Generalis pertinet, eam nos libenter confirmamus, & non solum eam, sed & HANC BEATAM SOCIETATEM, & omnia beneficia tam spiritualia, quam temporalia, & Priuilegia, quæ vel superiores Pontifices, vel nos ipsi concessimus, approbamus, & confirmamus, prompti & ad alia vobis concedenda, quæ ad Dei gloriam vobis necessaria erunt. Et auctoritate Domini nostri Iesu Christi nobis concessa, & Apostolorum Petri & Pauli, & nostra benedicimus vobis in nomine Patris, & Filij, & Spiritus sancti. Et benedictionem hanc nostram volumus non solum ad vos, filij dilectissimi, qui præsentes adestis, pertinere, sed etiam ad absentes fratres vestros transmitti ubicumque terrarum sunt: ac precamur Dominum, vt ipse in cælo ratam habeat, sicut nos in terris eius locum gerentes importimus; & offerimus vos ante conspectum Domini nostri Iesu Christi: eumque precamur, vt vos, & numero, & merito dignetur augere, vt nomen ipsius uniuersum per orbem portare valeatis; tandemque beatitudinem illam consequamini, quam nec oculus vidit, nec auris audiuit, nec in cor hominis ascendit; vtque audire mereamini non eam vocem, Ut quid enim terram occupat? Succidite illam; sed eam, Euge serue bone & fidelis, quia in pauca fuisti fidelis, supra multa te constituam, intra in gaudium Domini tui, iuuante eodem Domino nostro Iesu Christo, qui cum Patre, & spiritu sancto vivit, & regnat per infinita saecula saeculorum, Amen. Hucusque Pontifex summus, & SOCIETATIS amantissimus Pater, ut refertur in Par. 2. Hist. Soc. lib. 2. & num. 37.

*Confirmat  
creationem  
Laynij: &  
ipsam So-  
cietatem.*

*Quam  
Beatam  
appellar.*

*Et multi-  
plici bens  
ditione  
replet.*

Post hæc tanta, verba Lainij ad Pontificem secuta, & quidem pauca: Pro fauoribus, dixit, ac beneficijs sibi totique SOCIETATE concessis non posse gratiarum satis agere, & hoc decus, hanc esse coronam SOCIETATIS, quod tales haberet Pontificem, in eiusque Patrocinio ita esset. Rogare interim, ut cum eius benedictione, dum coaetati adessent Patres, liceret catus habere, & que ad SOCIETATEM summa stabilitatem perficiendam pertinerent, communiter pertractare. Pont. erga Patres. Volumus, inquit, concedimus, indulgemus vobis, ut tractare libere, & statuere possitis quæ necessaria videbuntur ad stabiliendam & augendam vestram SOCIETATEM. Si quid autem iubet, in quo consilio putetis nostro vtendum, adite, accurrere. Quos ad se, ut ad Patrem iubet, in quo consilio putetis nostro vtendum, adite, accurrere cum fiducia tanquam FILII AD PATREM. Nam quamvis magnis peneque infinitis occupationibus detineamur, quæ nos profecto exercent, & utinam pro Dei obsequio, & gloria, volumus tamen semper vobis aditum patere. Habetis hic hos Reuerendis Cardinales duos Tranensem atque Alexandrinum, quibus res vestras curæ esse sentietis; & qui buscum conferre omnia poteritis, ut nos deinde vestro nomine alloquantur. Habetis & Cardinalem Neapolitanum nepotem nostrum, qui iuuandis vobis operam dabit, sicut illi demonstrauimus. Tandem saepius bene precans, & interdum brachia super pectus veluti amplexurus componens dimisit. Ita Sacchinius Ibid n. 41. & 42.

AB EODEM, qui aliquando dixit inter cetera cum ingenti sensu, Hanc BENEDICTAM SOCIETATEM ego semper iuuui. Sic ibidem num. 18. & postea num. 28. eiusdem lib. 2. referuntur verba Card. Pacieci ad Patres Congregationis Pontificis nomine ante Generalis electionem, in quibus dixit, Velle sanctissimum Dominum Congregationi vniuersæ notum ac certum esse, ipsum SOCIETATIS proprio quodam ac præcipuo modo patrocinium suscipere: neque ab ea pro communi tantum omnium PARENTIBUS, SED PRO SINGVLARI, AC PROPRIO VELLE HABERI: ad quem sine cunctatione verecundiaq; vlla retardatione quidquid vnuquam foret opus, referret. Siquidem planè sibi cognitum

nitum esse cunctis ex oris quantum, siue inter Christianos populos, siue alienos, ac praesertim inter Hæreticos SOCIETATIS opera vteretur Deus: quanta per eam vbius gentium commoda crearentur. Hæc inter alia Pontifex Paulus Cardinalis ore ad Congregationis Patres elocutus, in summam sociorum, ac SOCIETATIS laudem.

*Et præcepit inter  
Hæreticos.*

5. A PIO IV. Cui nec gratam minus, commendatamque fuisse IESV Societatem, post facta luculenta ipsa eius sincerissimi affectus verba testantur. Etenim in Bulla incipit: Etsi ex debito anno.

*Commen-  
datur à Pio  
ex IESV  
Nomine.*

1561. Ad illos tamen (inquit) qui sicut Nomen Sociorum à IESV assumperunt, ita opere, doctrina, & exemplis Dominum Nostrum Iesum Christum imitari, & eius vestigia sequi nituntur, Maioribus Fauoribus, & Gratijs persequendum inuitamus. Et postea: Attendentes, quantum dicta vestra Societas in Ecclesia Dei hactenus fructum attulit, & quantum in futurum, Deo dante, sit allatura; & propterea Vos præ ceteris alijs Religiosis Maioribus Fauoribus, & Gratijs fore merito prosequendos. Ita in Bullar. Societ. fol. 79. & 81. Quæ verba eò magis Societatem commendant, quod prolata sint, ut statim subdit Pontifex, Motu proprio, non ad Vestram, vel aliquius pro vobis super hoc oblatæ petitionis instantiam, sed ex nostra scientia, &c.

*Et quia  
Christianum  
doctrinam &  
exemplis  
imitatur.*

AB EODEM: Qui nec verbis solum, ut dixi, sed ipso statim Pontificatus sui initio factis etiam in Societatem benevolus, cum præstatisset eam gratiam, quæ à Socijs amplissima postulabatur, cumque omnium nomine ad Pium Patrem gratias referret Generalis Lainius, subiecit sanctissimus Pater (aderant Cardinalis Moronus, & Ferrarie Dux, eo die apud Pontificem pransi) Haud opus gratijs esse: Societati IESV usque ad sanguinem fauturum. Alioquin die cum literas in commendationem rerum nostrarum à Philippo Hispaniarum Rege accepisset, dixit, Ab Imperatore quoque, & alijs Principibus ad se eiusmodi commendationes Missas: verum superuacua secum talia officia pro Societate esse, ad quem commendare eam potius pertineret. Quæ non verbi causa dies

*Ideo maiori-  
bus fauori-  
bus præ-  
ceteris Re-  
lig. pro-  
quenda.*

*Illaque se  
usque ad  
sanguinem  
fauturum  
ariebat.*

*Literas  
Societatis  
commen-  
datitiae  
accipit ab  
Hispan. Rege.*